

K.C.S.E 2009 KISWAHILI KARATASI YA 102/3

1. RIWAYA

UTENGANO: *S.A. Mohamed*

Swali la lazima

“Katu asingajitia kibubui na kutanga na njia. Lo, kachoshwa na shimiri za baruti anazoshindiliwa moyoni mwake.”

- (a) Eleza mukadha wa dondo hili. (alama 4)
- (b) Teja na ufanue tamathali ya usemi iliyotumika katika dondo hili. (alama 4)
- (c) Eleza umuhimu wa kisa kinachorejelewa na dondo. (alama 4)
- (d) Kwa kurejelea matukio mengine katika riwaya ya *Utengano*, fafanua maudhui mawili yanayoashiriwa na dondo hili. (alama 8)

2. USHAIRI

Jibu swalii la 2 au la 3

Soma shairi hili kisha ujibu maswali yanayofuata:

KIBARUWA: Abdilatif Abdalla

Kwenye shamba hili kubwa asilani hakunyi myuwa!
Ni kwa mitilizi ya jasho langu ndiyo kunweshezewa
Kwenye shamba hilo kubwa sasa imeshaiva kahawa
Na bunize ni matone ya damu yangu niliyotowa
Ndipo mte ukatipuza!

Buni hiyo itakaangwa buni hiyo itapondwapondwa
Buni hiyo itasagwa na buni hiyo itafyondwafyondwa
Bali itabaki nyeusi kama ngozi yangu Kibaruwa

Waulize ndege kwa nyimbo nyanana watutumbuizao
Iulize na mtio kwa furaha maji itiririkao
Uulize na upemo mkali kwa ghadhabu uvumao

Viulize: Ni nani araukaye na mapema kuzitema mbuga na kuzilaza?
Viulize: Ni nani akweaye minazi tangu kuchapo hadi lingiapo giza?
Viulize: ni nani abebeshwaye mizigo hadi maungo yakageuka shaza?
Halafuye hana faida moja apatayo wala malipo yanayotosheleza -
Isipokuwa kusundugwa na kutupiwa matambara na vyakula vilivyooza?
Viulize: Ni nani huyo ni nani!

Viulize: Ni nani ayalimaye mashamba na kuyapaliliya?
Na mimea kochokocco ikajaa kwa uzito ikajinamiya?
Hatimaye nani atajirikaye mali yakammiminikya
Akaota na kitambi kama mja mzito wa mieni tisiya
Na akaongeza magari na wanawake kutoka na kuingiya?
Viulize: Ni nani huyo ni nani!

Na hao ndege kwa nyimbo nyanana watutumbuizao
Nayo hiyo mito kwa furaha ~~zaji~~ itiririkao
na huo upopo mkali wenyewe ghadhabu uvumao
Vyote hivyo vitatu vitakuujibu kwa umoja wao:
“Ni Kibaruwa Manamba Andiye mtendaji hayo!”

- (a) Eleza ~~djamra~~ ya shairi hili (alama 2)
- (b) Kwa kutoa mifano, eleza aina mbili za idhini ya kishairi alizotumia mshairi (alama 4)
- (c) Kwa kurejelea ubeti wa tatu taja na ueleze tamathali ya usemi na mbinu ya kimuundo iliyotumika. (alama 4)
- (d) Huku ukitoa mifano, eleza kwa kifupi mwelekeo wa mshairi kuhusu vibarua. (alama 4)
- (e) Andika ubeti wa tano katika lugha ya nathari. (alama 4)
- (f) Onyesha utata wa maana katika matumizi ya **Kibaruwa Manamba**. (alama 2)

3. *Soma shairi hili kisha ujibu maswali yanayofuata:*

Kila Mchimba Kisima

Musa Mzenga

- 1 Tenda utendapo tendo, tendo tendo kwa hekima,
Liandamane mwenendo, sawa na yako kalima,
Kalima yenye upendo, kufurahisha mtima,
Kila mchimba kisima, budi huwingia mwenyewe.
- 2 Utendapo la faraja, tendo ni yako salama,
Ya kukupa kila tija, na ushindi wa daima,
Upate njema daraja, duniani na kiyama,
Kila mchimba kisima, budi huwingia mwenyewe.

- FOR more free KCSE Revision Report and Past Papers Visit
<http://www.joshuaarimi.com>
- 3 Utendapo la miuja, tendo ni yako nakama
Ya kukutia harija, hasara kukuandama,
Usione afuwaja, mwanzo na yako hatima,
Kila mchimba kisima, budi huingia mwenyewe.
- 4 Nakwambia uelewe, pulika ninayosema,
Si ari ya mwenginewe, sumuonya kwa lazima,
Mtu hufunza mwanaé, kwanza ajue heshima,
Kila mchimba kisima, budi huingia mwenyewe.
- 5 Nisipokwambia wewe, kukufunza kila jema,
Kusudi nikuongowe, uepukwe na tuhuma,
Matusindimi nipawe, ila na kila lawama,
Kila mchimba kisima, budi huingia mwenyewe.
- 6 Hii si heri ujuwe, matusi kunigandama,
Hadhi usiniuzuwe, hamithilishwa na nyama,
Fikiri moyo utuwe, nikupapo taaluma
Kila mchimba kisima, budi huingia mwenyewe.
- 7 Shika tena utambuwe, wasia huu ni mwema,
Matendo usipunguwe, mazuri kutenda hima,
Yatende ubarikiwe, upawe na taadhima,
Kila mchimba kisima, budi huingia mwenyewe.
- 8 Yakupasa uchunguwe, kila jambo kulipima,
Upima ufanuwe, mambo yote kwa alama,
La kuwaka ulijuwe, pia lipi la kuzima,
Kila mchimba kisima, budi huingia mwenyewe.

- (a) Eleza maudhui ya shairi hili (alama 4)
- (b) Ujumbe unaowasilishwa katika shairi hili una hadhira lengwa tatu.
Zitaje na utoe mifano. (alama 2)
- (c) Eleza umuhimu wa kipokeo kinachotumiwa katika shairi hili. (alama 4)
- (d) Andika ubeti wa tano kwa lugha ya nathari. (alama 4)
- (e) Eleza maana ya msamati ufuatao kama ulivytumiwa katika shairi:
(i) afuwaja
(ii) taaluma (alama 2)

TAMTHILIA

KITHAKA WA MBERIA: *Kifo Kisimani*

Jibu swali la 4 au la 5

4. Huku ukitoa mifano mwafaka, fahamu mbinu zozote **kumi** zinazotumiwa na utawala wa Bokono kuendeleza udhalimu katika nchi ya Butangi. (alama 20)
5. Eleza huku ukitumia mifano mwafaka mbinu za kimtindo zifuatazo zinavyotumiwa katika tamthilia ya *Kifo kisimani*:
(i) Kinaya
(ii) Ucheshi (alama 20)

HADITHI FUPI

K.W. WAMITILA: *Mayai Wa Maradhi*

Jibu swali la 6 au la 7

6. "Mwanamke katika *Mayai Waziri wa Maradhi* amefungwa katika ngome ya kijamii." Jadili. (alama 20)

FASIHI SIMULIZI

7. (a) Ni nini maana ya mawaidha katika Fasihi Simulizi? (alama 2)
- (b) Huku ukitoa mifano mwafaka fahamu muundo wa mawaidha katika Fasihi Simulizi. (alama 4)
- (c) Eleza sifa saba za mawaidha katika Fasihi Simulizi. (alama 14)